

2. D. B. V.

DISSERTATIO PHILOLOGICA
DE

SALOMONIS

AD ESVM POTVMQVE EX-
HORTATIONIBVS,

QVAS LIBRO COHELETH INTERSPERSIT,

QVAM

RECTORE MAGNIFICENTISSIMO,

SERENISSIMO PRINCIPE AC DOMINO,

DOMINO

GVILIELMO HENRICO,

DVCE SAXONIAE, IVLIACI, CLIVIAE, AC MONTIVM, ANGARIAE, GVESTPHALIAE, RELIQVA,

IN ACADEMIA IENENSI

BENEVOLO INCLYTI PHILOSOPHORVM ORDINIS CONSENSV

ERVEDITORVM EXAMINI SVBMITTET

P R A E S E S

M. IOANNES IACOBVS Rambach,

HALLENSIS

ET RESPONDENS

IOANNES VLRICVS HILDEBRAND,

VLSENSIS, SS. THEOL. CVLTOR.

AD D. XI. MAII. A. O. R. CIO IO CC XX.

IENAE,

LITTERIS IOANNIS FRIDERICI RITTERI.

3



DISSERTATIONIS PROOEMIUM.

SYNOPSIS.

Salomonis Ecclesiastes aspera ac *potius* commendatur, §. II.
 fata expertus est, §. I. In quæ recensentur §. III. quorum-
 primis ob ea loca, quibus *es*us que illustratio promittitur §. IV.

§. I.



Vamquam vix vlla pars est literarum
 S. quæ euitare potuerit equuleos ho-
 minum, qui Scripturas conuellunt, &
 in alienos sensus distorquent*: præ-
 reliquis tamen indignam illam sor-
 tem expertus est SALOMONIS ECCLE-
 SIASTES, liber vtilissimus, & *paucis*
quidem, vt PHILASTRIVS ** ait, *con-*
scriptus sententiis, sed magnum tamen thesaurum celestis sci-
entia complexus. Desæuierunt in eum iam olim grauissimæ
 tempestates, Iudæis pariter ac Christianis nonnullis in eius in-
 teritum conspirantibus; quorum illi tanto in librum inno-
 centem odio exarsisse feruntur, vt eum prorsus supprimen-
 dum statuerint*** באשר מצאו בודברים שמטין לצור מינות

A 2

quod

* 2 Petr. III, 16.

CXXX. p. 79. Edit. Helmstad.

** in Catalogo Hæresium n.

** vt ex ipsis Talmudicis

quod inuenirent in eo verba, quæ ad hæresin atque improbitatem homines inclinarent.* Neque multo reuerentius ille ab aliis, ex ipso Christianorum coetu, male fanis capitibus habitus olim est: neque hodie desunt, qui frigidis ratiunculis concitati in libri diuinitatem critico dente grassantur.**

§. II. Ac plurimos quidem ad istam in iudicando præcipitantiam adegit veri Auctoris scopi ignoratio: quo neglecto, quum forte in loca quædam, tanquam in syrtes, inciderent, quæ, a suo nexu diuulsa, nescio quæ Epicuræismi semina ipsis fouere videbantur, eo processerunt temeritatis, vt sanctissimum librum sancto Spiritu indignum iudicarent. Istud vero, quod diximus, Epicuræismi fermentum maxime sibi visi sunt male illi sagaces homines subodorari in iis locis, vbi Salomo lectori suo hilaritatem commendat, eumque ad cibi potusque vsum adhortatur.

§. III. En illa, vt se offerunt, descripta & ex SEBASTIANO SCHMIDIO Latine expressa. *אין טוב באדם שיאכל ושתה והראה את נפשו טוב בעמלו: Quare non bonum est quoad hominem, quam vt comedat & bibat, & ostendat animæ suæ bonum in labore suo. c. II, 24. הנה אשר ראיתי אני טוב אשר יפה לאכל ולשתות ולראות טובה בכל עמלו וגו' SCHMID. Ecce quod vidi ego: Bonum, vt placeat comedere & bibere & videre bonum in omni labore suo cet. c. V,*

pandectis (Tract. SCHABBATH. nominamus ANTONIVM COL- f. 30. b.) refert ABR. BENEZRA LINVM libro de libertate cogitandi; notatum propterea

* vide MIDRASCH COHE- a Viro Magnif. & S. Ven. D. LETH f. 114. col. I. BVDDEO de Atheismo & Super-

** ex quorum numero saltem fitione c. I. §. V.

c. V, 17. ושמחתי אני את השמחה אשר אין טוב ולאדם
 SCHMID. תחת השמש כי אם לאכל ולשתות ולשמוח וגו'
*Quare ego laudaui gaudium, quod non sit bonum homini
 sub sole, nisi comedere & bibere & letari cet.* c. VIII, 15.
 לך אכל בשמחה לחמך ושתה בלב טוב יינך כי כבר רצה
 SCHMID. אבי, comede in letitia
*panem tuum, & bibe corde bono vinum tuum: nam pri-
 dem adprobauit DEVS opera tua.* c. IX, 7.

§. IV. Ista sunt, LECTOR, præcipua loca, quæ esum
 ac potum impensius laudant, quæque in sinistram partem
 detorta imperitos mouerunt, vt de sapientissimo libro in-
 sapientissime pronuntiarent. Non inutiliter igitur operam
 nos collocaturos esse speramus, si loca illa sacra philolo-
 giæ face paullo propius collustremus. Quo in argumen-
 to ita versabimur, vt primo quidem in *dicentis adfectum*,
 ac *verborum mentem* inquiramus: deinde eum, quem in-
 uenimus *sensum*, adhibitis in subsidium vel communissimis
 interpretandi regulis, *stabilire, & extra omnem ponere du-
 bitationem*, quantum in tanta breuitate fieri poterit, ad-
 nitamur. Quod, quantulum id tandem cumque est ope-
 ræ, vt DEVS in sui verbi honorem cedere iubeat, sub-
 misse precamur.

SECTIO I.

QVA IN AFFECTVM DICENTIS, AC DICTORVM
 MENTEM INQUIRITVR.

SYNOPSIS.

Scrutinii adfectus necessitas tur §. II. Narratur ordinis, vl-
 terius seruandi, ratio §. III.
 Icon animi Salomonæi, in libro *Phrases*, in illis dictis adhibita,
 Coheleth exarando, proponi- seorsim singula excutuntur, ac

primo quidem *formula commendandi*, nimirum *Nihil æque bonum est homini, quam ut edat &c.* quæ tribus observationibus illustratur §. IV. V. Deinde *res commendata*, *comedere panem & bibere vinum*, ex usu loquendi sacro explicatur §. VI. item *phrasis*, *videre bonum*, §. VII. Quo facto de *sensu*, quem *phra-* ses inter se combinatæ fundunt, disquiritur, & inter duo extrema, sensum scilicet profanum nimis §. VIII. & nimis mysticum §. IX. *media* explanationis *via* ostenditur, & breui *paraphrasi* dicta includuntur §. X. tandemque ad sectionem sequentem transitus paratur eiusque argumentum exponitur §. XI.

§. I.

DE adfectu dicentis cognoscendo nos ante omnia esse sollicitos, nemo mirabitur, qui secum reputauerit, tam arctum esse adfectuum cum sermone externo nexum, ut non satis accurate in verborum quorumcumque interpretatione versari queat, qui labiis tantum dicentis intentus, adfectum observare negligit, ex quo verba proficiscuntur. Vnde in omni negotio hermeneutico nihil prius, nihil antiquius duxerunt viri harum rerum peritissimi, * quam ut scriptorem, quem intelligere cupis, iugi ac assidua lectione quasi e mortuis excites, quo viva ipsius voce, adfectus indice, destitutus, saltem mentis conceptu atque ingenii perspicacia consequaris, quo vitæ statu fuerit, quum hæc talia exararet. Quum enim ** uti actiones, ita & cogitationes, atque ortus ex cogitationibus sermo cuiusque statui, indoli & adfectibus convenire soleant; dubi-

tari

* e. c. MATTHIAS FLACIUS
in Clave Scripturæ Part. II. p. 99.
n. II. IOANNES CONRADVS
DANHAEVERVS in hermeneu-

tica S. pag. 347. cet.

** monente Viro Magn. & S.
Ven. D. BVDDEO in elementis
philos. instrum. P. II. c. III. §. 15.

tari profecto neutiquam potest, quin is sensus, qui scriptoris statui, indoli & adfectibus congruit, pro vero ac genuino, ceteris paribus, debeat haberi.

§. II. Agedum igitur descendamus, quantum pote, in Salomonis animum, & quo ille adfectu, dum hæc scriberet, imbutus fuerit, dispiciamus. Atque hic quidem non opus est ancipitibus coniecturis, incertisue diuinationibus. adeo enim clara adfectus vestigia verbis passim impressa sunt, vt vel cæcus ea palpando deprehendat. Siue enim ante grauissimum Auctoris lapsum liber consignatus est, vt sunt, qui putant; siue post agnitam defectionem, sanatamque rursus a DEO mentem לעת זקנה שלמה סמוך *quum senex & morti propinquus esset Salomo*, * vt ipsi olim cum grauissimis auctoribus adseruimus: ** vehementissimum ille vanitatis fastidium, quantus quantus est, spirat. Vix libri vestibulum ingresso vir diuinus, velut ex profunda meditatione expergefactus, illud suum הכל הבל *** iterum iterumque occinit: quam concitissimam exclamationem mox הכל (הכל) גם זה הבל †† alius ex alio sequitur; plane vt percussas ingenti adfectu voces circumiecta libri capita multiplicato sono reddere vide-

* quæ verba sunt Iudæorum in SCHALSCHULETH HAK-KABALA f. 15. a. & in SEDER OLAM RABBA c. XV.

** in *Dissert. nostra philologico-theologica de libro Cobeletb*, quæ sub præsidio Ven. Præceptoris D. IO. HENR. MICHAELIS Halæ 1716. habita fuit. §. IX. sqq.

adde Magn. D. BVDDER Hist. eccl. V. T. Tom. II. p. 342. sqq.

*** *Vanitas vanitatum!* c. I, 2.

† *omnia vanitas sunt.* c. I, 14.

c. II, II.

†† *etiam hoc est vanitas!* c.

II, 1. 15. 19. 21. 23. 26. c. IV, 4. 8.

16. c. V, 9. c. VI, 2. 9. c. VII, 6.

c. VIII, 14.

videantur. Audias paginis omnibus loquentem sapientissimum senem, longo rerum usu subactum, & ad fallacissimas vanitatum fraudes nauseabundum, qui irritos vitae anteactæ labores censorio oculo recognoscit, & in quos se induerit laqueos, quibus erroribus a vera felicitatis meta abductus fuerit, sincere narrat; ut quicumque audiuerint, discant alieno exemplo sapere, relictisque rerum caducarum ludibriis, æterna amplecti.

§. III. Hæc de adfectu dicentis monuisse sufficiat, quæ quanto nobis usus futura sint, ad mentem verborum rectius adsequendam, posthac * adparebit. Proximum his est, ut *precipuas locutiones*, quibus in locis allegatis Salomo utitur, *seorsim singulas excutiamus*, ac deinde *quis ex illis, inter se iunctis, sensus emergat*, breuiter videamus.

§. IV. Ac primo quidem quod ad *formulam* attinet, *qua esum potumque Auctor commendat*, ita illa habet, diuersis in locis parum diuersa: *אין טוב באדם שיאכל* c. II, 24. *אין טוב לאדם* c. V, 17. *אין טוב לאדם שיאכל* c. VIII, 15. Ad quas laudandi formulas sequentia placet adnotare. I. Quum ad eandem rem commendandam omnes adhibeantur, non illæ sibi inter se opponendæ, sed ex se inuicem supplendæ atque exponendæ sunt. Vnde quum primo loco dicitur *אין טוב באדם שיאכל* minime vertendum erat, ut nonne-
mo fecit: *Non bonum est homini ut comedat*; ita enim primus ille locus postremo contradicet. Verum aut per *interrogationem*, vocis inflexione iuuandam, ** sensus for-
man-

* infra Sect. II. §. I. II.

ad h. l. in Criticis S. Tom. II.

** ut monet IO. DRVSIVS fol. 2066.

mandus est, *Nonne bonum vel melius est homini, vt edat?* uti cum B. LVTHERO, VVLGATVS interpres reddit, interrogatione negatiua fortius adfirmante; aut *supplenda* est ante verbum particula **כִּי אִם** vel **רַק** vt TARGVM, STRVS, ARABS, ABR. BEN EZRA, * GROTIUS & SEB. SCHMIDIUS fecerunt, inducti locis parallelis c. III, 12. c. VIII, 15. vt is formulæ sensus sit: *Nihil bonum vel melius est pro homine, quam vt edat, cet.* II. Quod c. V, 17. dicitur **טוֹב אֲשֶׁר יִפְה** istud siue cum LXX. & MART. GEIERO per genus *neutrum* exprimas, *bonum, quod etiam pulchrum*, ac summe conueniens naturæ est; siue cum AVGVSTO VARENIO ** ac IACOBO GVSSETIO *** genere *masculo* reddas, *bonus* h. e. felix & beatus censendus est, *qui pulcher* seu belle dispositus est ad edendum; siue denique cum SEBAST. SCHMIDIO particulæ **אֲשֶׁר** vim *coniunctionis* tribuas, † hoc modo, *bonum est, vt pulchrum sit* vel placeat †† homini, *comedere*: sensus ubique eodem redibit.

§. V. Denique III. quum Salomonem esum ac potum tantopere commendare audis, vt aliud præstantius bonum prorsus ignorare videatur, ita tecum reputato, eum de illo bonorum genere loqui, quæ homini, eiusque præsertim corpori, in hac plenissima ærumnarum vita obtinunt. Vnde c. VIII, 15. expresse addit, nihil esse æque bonum homini. **שֶׁמֶשׁ תַּחַת הַשֶּׁמֶשׁ** *sub hoc sole*, quibus verbis statum

B

tum

* qui adnotat **וַיַּחֲסֹר מִקוֹם** *Hebr. pag. 300.*

רַק אִם הָיָה לוֹ & confert similem ellipsin infra c. IV, 17.

† quam etiam habet c. V, 4. c. VII, 18. 21. conf. Ven. D. DANZII

** in *gemmis Salomonis* ad interpres §. XLV.

h. l.

†† conf. phrasin *Chald. Dan.*

*** in *Commentario lingua* III, 32. c. VI, 2.

tum *בְּעֵלְמָא הַדִּין* in hoc *saeculo*, (vt TARGVM addit) vbi tanquam in exilio mortales degunt, totumque vanitatis regnum, hoc in libro frequentissime describit. Neque enim aliud quidquam sibi proposuerat indagare c. II, 3. nisi, quid maxime expediret hominibus *חַחַת הַשָּׁמַיִם מִסְפַּר יָמֵי חַיֵּיהֶם* *quandiu sub celo in hac vita versantur.*

§. VI. Post commendandi formulam, *res ipsa, quae toties commendatur*, expendenda venit. Illa igitur eo redit *שִׂיאֵכֶל וְשִׂתָּה* *ut comedat ac bibat homo* c. II, 24. c. V, 17. vel vt c. IX, 7. expressius dicitur, *ut comedat letus panem suum, ac bibat animo hilari suum vinum.* Vbi eni rursus pauculas obseruationes! I. *Panis* pro quibusuis alimentis, ad vitam sustentandam necessariis, praecipue iis, quae comedimus, adhiberi solet; vnde etiam carnem ac reliqua esculenta complectitur, vt pluribus exemplis SALOMO GLASSIVS docet*: similiter *Vinum*, tanquam nobilior potententorum species, potum quemuis salubrem denotat; cuius adeo cum pane hic mentio fit, quia vini & aquae ** communis in illa regione erat vsus. II. *Panem* igitur *comedere* ac *vinum bibere* dicitur, quicumque legitime fruitur iis bonis, quae DEVS ad corporis sustentationem, siue largius siue parcius concessit. conf. Ier. XXII, 15.

§. VII. Postremo praeter esum ac potum istud quoque commendat Salomo c. V, 17. *לִרְאוֹת טוֹבָה בְּכָל עֲמָלוֹ* *ut quis videat bonum in omni labore suo*, vel vt c. II, 24. dicit *הִרְאָה אֶת נַפְשׁוֹ טוֹב* *vt ostendat anima sua bonum*; quae locutio, quum aliquid obscuritatis contineat, pariter

ex

* in *Rhetorica S.* p. m. 449. ** conf. Gen. XIV, 18. 2 Reg. adde 2 Sam. IX, 7. Iob. XLII, VI, 22. Alias *vinum bibere* est lautius viuere Iob. I, 18.

ex indole Hebrææ linguæ paucis explicanda est. *Videre* scilicet *bonum*, est *frui bonis*, quæ DEI benignitas largita est, coll. Psal. XXXIV, 13. & CVI, 5. Iob. VII, 7. metaphora a visu, qui acutior est reliquis sensibus, ad sensum in genere & experientiam translata. Neque enim *videndi* verbum in eiusmodi locutionibus simplicem indicat rerum iucundarum adspectum, qualem Tantalos apud inferos pœnæ loco obtigisse fingunt; sed simul hilarem rei conspectæ fruitionem ac usum inuoluit. *Ostendit* igitur *animæ suæ*, hoc est, sibi met ipsi *bonum*, qui omisso plura corradendi studio, proscriptisque inanibus de futuro curis, præsentia Dei munera in usus suos pie conuertit.

§. VIII. Excussis ita breuissime singulis, quæ hic in censum veniunt, phrasibus, sequitur, ut quem illæ, inter se combinatæ, sensum fundant, dispiciamus. Hic autem duo nobis *extrema* obseruare videmur, in quorum alterutrum irruisse nonnullos animaduertimus. Alii enim verbis, in partem deteriorem raptis, *sensum* prorsus *profanum* adfinxerunt, quasi illud in Sardanapali expressum monumento * consilium, *Ede, bibe, lude!* docere voluisset sapientissimus Auctor; aut quod illi Epicuri de grege porci crepant, *Edamus & bibamus, cras enim morimur!* Esa. XXII, 13. 1. Cor. XV, 32. idemtidem inculcare. Qua

B 2

in

* Vt ATHENÆVS Dipnosoph. Lib. XII. p. 530. DIODORVS SICVLVS Lib. I. c. VII. aliique testantur quamuis: CICERO Tuscul. Lib. V. c. XXXV. verbis paullulum immutatis tale eius epitaphium recitet;

*Hæc habui, quæ edi, quæque
exsaturata libido*

*Hausi: at illa iacent multa
& præclara relicta.*

Ad quæ verba, Quid aliud, inquit Aristoteles, in bouis sepulchro inscriberes?

in sententia veteres illi hæretici * fuisse dicuntur, qui ob talia loca totum librum, velut luxuriæ patrocinantem, reprobant. Neque profecto, si verus iste ac serius verborum sensus sit, aliud ferri iudicium potest: nisi forte statuas, Salomonem isthæc non ex animi sui sententia proferre, sed recitare tantum profanas profanorum hominum cogitationes, qui nihil post mortem superfuturum rati, in libero voluptatum usu supremam quærent felicitatem. Quod ipsum tamen dici facilius, quam probari potest.

§. IX. In alteram tamen partem & illi deflectunt, qui verborum proprietate relicta, nescio quem *mysticum* & *allegoricum sensum* inde exsculpunt. Fallor? an huc referendus est B. AVGVSTINVS, ** qui, vt Salomonem prophetarum numero adsereret, speciminis loco, tanquam vaticinium, ex libro Coheleth producit verba c. V, 17. *non est bonum homini, nisi quod manducabit & bibet*, eaque referenda esse dicit ad mensam, quam sacerdos ipse, mediator N. Testamenti, de corpore & sanguine suo intruxerit. Neque longe inde recedit laudato loco PHILASTRIVS, hæreticis, librum reprobantibus, contradicturnus. Vt nihil nunc dicamus de CHALDAEI interpretis ad c. IX, 7. glossis, *** deque CHRISTOPHORO SEBACHIO, ad allegoricas explicationes ultra, quam par erat, pronos, qui verba

* apud PHILASTRIVM Hæref. CXXX.

** de Ciuitate DEI, Lib. XVII. c. XX.

*** quæ ita habent: *Abi, comedere cum letitia panem tuum, qui additus tibi ac repositus est*

propter panem, quem dedisti pauperibus & egeno, qui esuriit: & bibe deinde hilari vinum, quod reconditum tibi est in horto Eden, pro vino, quod miscuisti pauperi, qui sitiens fuit. cet. conf. Matth. XXV, 34. 35.

bac. V, 17. טוב אשר יפה לאכל ולשתות ita reddenda censuit: * *Bonum est eum, qui pulcher est, comedere ac bibere*, h. e. Christo, inter homines pulcherrimo Ps. XLV, 3. Cant. V, 10. per fidem frui, Ioh. VI, 53. 54.

§. X. Inter has vtrimque extremitates, *media via* est; quam ingressi, ibimus procul dubio tutiores. Statuimus igitur Salomonem omnino de eo cibi ac potus genere loqui, quo corpus reficitur; minime tamen turpem eius abusum, insanasque helluationes, otii comites, suadere, sed vsum legitimum, inter debitas gratiarum actiones, animo sereno, curisque mordacibus vacuo, adhibendum. Breuitatis causa concisa paraphrasi mentem clarius exprimeus. Quum animum meum, *inquit SALOMO*, per ea omnia circumferrem, in quibus miseri mortales ærumnarum in hac vita solatia quærunt, nullum tandem deprehendi præstantius aduersus miseriam humanam remedium, quam vt in laborum & casuum nubibus animi seruire serenitatem memineris, abiectaue tristitia, & suffocatis inutilibus curis, qualibuscumque DEI muneribus pia & hilari mente perfruaris. Agedum igitur, (c. IX, 17.) vir bone! erige animum, ancipitibus vitæ casibus prostatum, committe Numinis prouidentia tua ac publica onera, ac de futuris minus curiosus, præsentibus mente tranquilla vttere. Habes enim, si hominibus displiceas, DEVM propitium, tuarumque actionum adprobatores.

§. XI. Enim vero, inquis, sensus satis benignus est, quem verbis tribui audio, neque paraphrasis magnopere

B 3

displi-

* in explicatione vernacula libri Coheleth ad h. l.

displicet: vnum desidero, inconcussam animi convictionem, perspicuis argumentis effectam, qua hanc Salomonis mentem non solum esse posse, verum etiam esse debere, sine oppositi formidine, videam. Bene habet! honestum desiderium est, cui faxo vt satisfiat. En igitur VII. argumenta, vel si mauis, totidem argumentorum classes, quæ sensum, quem diximus, verbis contineri, profanum vero illum, §. VIII. ab iis exfulare, liquidissime euincunt; quæ inter se iuncta mirum erit, si vllum in animo tuo scrupulum relinquant.


SECTIO II.

QVA SENSVS DICTORVM VERVS STABILITVR,
ET SPVRIVS CONVELLITVR.

SYNOPSIS.

Argumenta pro sensu vero speciali §. VI. 4) ex *contextu* confirmando, ac spurio refutando ducuntur 1) *a statu & adfectu Auctoris*, qui isthæc monita dedit §. I. II. 2) *a statu & conditione eorum, quibus illa dantur* §. III. IV. 3) ex *scopo* dictorum tum generali §. V. tum §. XII. Conclusio §. XIII.

§. I.

Vod si igitur adhuc dubius hæres, vtrum is, quem definiuimus, sensus mentem Salomonis fideliter exprimat, an alter ille, qui Epicuri scholam redollet, sit præferendus? (de mystico enim illo & allegorico nihil attinet dicere, quum sine vlla necessitate verborum proprietatem, sancte tenendam, deserat) age, fac vt eorum
rursus

rursus memineris, quæ in limine sectionis primæ de *adfectu & statu Auctoris* disputata sunt. Propone igitur animo tuo sapientem aliquem senem, æternitati maturum (talem enim Solomonem, dum hæc scriberet, fuisse, fatentur omnes *) qui voluptatum pertæsus, fastiditis mundi crepundiis, imminentem ceruici mortem meditatur, atque Spiritus Sancti instinctum sentiens, alios ante obitum docere cupit, quomodo vitam, innumeris malis amaram, ita tamen transigere possint, vt inter media molestiarum agmina beati, mitem aliquando iudicem experiantur. Ab eo itaque an epulandi præcepta helluandique licentiam exspectes?

§. II. Enim vero vix vllus est Salomone seuerior morum magister, asperiorque leuitatis censor, cuius ne umbram quidem & colorem suo discipulo indulget. *Cor*, inquit, *sapientis est in domo luctus, sed animus stolidorum in domo gaudii.* c. VII, 4. Et *salubrior est tristitia stolido risu.* v. 3. Tantumne? immo vero *Risui*, inquit, *dixi, insanus es! & improbæ letitiæ, quid est, quod agis?* c. II, 2. Ecquid vero austerius dici aut cogitari potest? Eumne putas effreni adfectui luxuriæque habenas esse laxaturum, qui & risui frenum iniicit? Atqui si is demum sensus, vt supra ** monitum fuit, pro vero habendus est, qui ad Auctoris indolem & adfectum quam proxime accedit; dubium non erit, quin is, qui longissime ab eo recedit, pro spurio sit agnoscendus.

§. III. Iungamus porro Auctoris indoli *indolem* habitum-

* SCHIR RABBA fol. 4. col. 2. *librum Coheleth postremo dixerit.*
כל מודים שקולת בסוף
אמר omnes fatentur, quod

** Sect. I. §. I. fin.

bitumque eorum, quibus ille edendi ac bibendi *monita dedit*: tum nouum vero sensui fulcrum, nouus profano sensui obex ponetur. Minime enim ista consilia ingeruntur dissolutis animis, ad luxuriam vel sine monitore prouis; quos tantum abest, ut admotis velut calcaribus magis excitulet, ut potius inter media gaudia se uero iudicii diuini fulmine percellat, c. XI, 9. Cum uiris probis Salomoni res est, graui munerum labore variisque casibus oppressis, qui, quum omnia usquequaque ad virtutis ac iustitiæ normam composita cuperent, obuersantibus passim iniustitiæ & confusionum spectaculis ita discruciantur, ut animum despondeant, atque moeroris dolorumque fluctibus inuoluantur. At hæc, inquis, pios scilicet hic compellari, ex tuo forte fingis ingenio! Minime vero, habeo enim eius rei ipsum Salomonem locupletissimum testem, qui eo ipso in loco (c. IX, 7.) ubi tam grauiter esum potumque commendat, ut Epicuræum aliquem hominem in scenam producere male nonnullis * videatur, mox eundem, cui dixerat *כל לך אכל* Age! comede! ita adloquitur *כי כבר רצה* iam dudum enim DEVS opera tua adprobauit. Quod num homini profano & luxuriæ dedito dici possit, ipse cogita. conf. Gal. V, 21. Eph. V, 6. Vnde rectissime ad locum allegatum R. SALOMO: *אכל אתה הצדיק שכבר רצה הקב"ה מעשיך הטובים ותזכה לעולם רב* Tu uero, o iuste, cuius grata habuit bona opera DEVS, quique purus es pro seculo futuro, age, come-

* Sic ABRAHAM BEN EZRA *לב בני האדם והוא הוללות* Hæc est sermocinatio cordis
ad c. IX, 4. *זה מחשבת בני האדם* Hæc est cogitatio filiorum
האדם filiorum hominum, estque mera
& ad v. 7. *זה רבור* insania.

comede cum lætitia. Vt aliorum nunc suffragia taceamus.*

§. IV. Nouum vero isti considerationi pondus accedet, si cogitaueris, istas ad hilarem cibi potusque vsum inuitationes destinatas esse, vti in genere viris rectis & ingenuis, ex casuum humanorum asperitate ægris; ita proxima ac præcipua quadam ratione iis, qui *Hebræorum* genti suam originem debebant. Iudæis enim tum hæc, tum reliqua λόγια τῶ Θεῷ olim concredita fuerunt. Rom. III, 2. At quid hæc, dices, ad rem? Permulum sane. Iudæis enim ac reliquis orientis incolis eam maxima ex parte contigisse naturam, cui multum μελαγχολίας admixtum est, nemo ignorat, nisi qui Iudæos ignorat. Inde vero illud conficitur, vt vbi semel animum permiserunt tristitiæ, modum finesque statuere moerori nesciant. Erat enim vniuersim, vt obseruat CLAVDIUS FLEURY,* ea veterum ratio, vt magis indulgerent naturæ, de dissimulandis animi adfectibus minus curiosi. Vnde vbi animo hilari erant, cantu saltuque lætitiæ præ se ferebant; at vbi illos affligebat tristitia, omnia ad testandum luctum animique dolorem componebantur. Hinc lacrimarum flumina 1. Sam. XX, 41. 2. Sam. III, 16. passi ac lacerati capilli Esa. XLII, 2. Ezr. IX, 3. cineres inspersi capiti Ezech. XXVII, 3. Iob.

C

II, 12.

*Egregie, vt omnia ad hunc librum, B. MART. LUTHERVS Tom. III. Ien. f. 271. b. *Non hic suadet vitam voluptuariam & luxum eorum, qui non sentiunt istam mundi vanitatem, sed de piis loquitur, qui sentiunt veras* tiones & molestias huius mundi. *Istorum deiecta corda vult erigere: istis lætitiæ consulit, ne frangantur animo, sed strenue pergant.* ** in Tract. Gall. cui titulus *Les mœurs des Israelites. P. II. c. XIV. §. II.*

II, 12. manus complosæ, verticique impositæ 2. Sam. XIII, 19. Ier. II, 37. pedes discalceati 2. Sam. XV, 30. illoræ ac sordidæ vestes 2. Sam. XIX, 24. percussio pectoris Luc. XVIII, 13. vigiliæ Ps. CII, 8. obstinata silentia Iob. II, 13. Thren. II, 10. ac reliqua moestitiæ signa, quæ longo ordine MARTINVS GEIERVS *de Hebræorum luctu* docte persequitur. Quumque ea inprimis sit animi tristis, variisque compressi anxietatibus, indoles, vt cibos omnes, vel delicatissimos, fastidiat Psal. CII, 5. solebant Hebræi, grauiore luctu conturbati, vel omnibus abstinere alimentis, ut exempla *Davidis* 2. Sam. XII, 16. 20. *Achabi* 1. Reg. XXI, 4. aliorumque ostendunt; vel post solis tandem occasum 2. Sam. I, 12. viliiores cibos, aqua diluendos, capere. Talibus igitur hominibus medicinam paraturus Salomo, quos concepta ex asperis vitæ casibus tristitia ne in corpus ipsum iniurios redderet, periculum erat; noli mirari, quod ad mensam ipsos ac vinum, pio ac sereno animo capiendum, inuitet. Neque enim ipsorum statui quidquam dici accommodatius potuisset, neque verendum erat, ne istis monitis ad luxum & ἀσωτίαν homines probi abuterentur.

§. V. Sequitur, vt ex *scopi* etiam consideratione, vero sensu firmato, adulterinum destruamus. Rectissime enim CHRYSOSTOMVS * ὡς ἀνευ θεμελίας σαθρὰ ἡ οἰκοδομὴ, ὅπως ἀνευ τῆς ἐνυρέσεως τῆ σκοπῆς ἢ ὠφελείῃ ἢ γραφῇ. *Vti fragile & ruinosum est sine fundamento edificium, ita, nisi inueniatur scopus, Scriptura non est utilis.* Quod si in vlllo alio libro, in hoc certe, quam maxime obseruandum est, vbi si scopum & finem loquentis recte haberis exploratum, tum demum quasi in arcaniora Auctoris confi-

* in Psal. III. Tom. VIII. fol. r. Edit. Savilianæ.

consilia intromissus, dictorum sensum & facilius & profundius percipies. Hic vero otium lectoribus fecit sapiens Auctor, dum ipse סוף דבר seu τέλος παραγγελίας 1. Tim. I, 5. dictorumque suorum omnium summam his verbis c. XII, 13. admirabili breuitate complectitur: **נח האלהים יראות מצותיו שמור** DEVM *time*, eiusque *præcepta custodi*. Caue igitur aliam lætitiā, aliumue esus ac potus vsum, tibi in hoc libro præscribi putes, quam huic generali scopo ex asse conformem, honestum, sobrium, limitibusque timoris DEI circumscriptum. Quisquis enim id sibi propositum habet, vt animum lectoris componat quam curatissime ne qua exorbitet, atque vbique reuerentiam Numinis, effusæ lætitiæ frenum, commendat; ab eo si commissandi licentiam expectes, egregie nimirum falleris.

§. VI. Verum enim vero *singularis* insuper *scopus* est, vltimo isti ac summo subordinatus, quem in his ad esum potumque commonitionibus sanctus Auctor sibi præfixit. Scilicet quum hanc vitam refertissimam ærumnis deprehenderet c. I, 13. 14. quas probos pariter ac improbos experiri oportet, c. II, 14. id sibi dabat negotii, vt exploraret, quid ad illas molestias abstergendas, vitamque suauius transigendam, quam maxime expediret c. II, 3. Ibi igitur sapientiæ humanæ infirmitate deprehensa c. I, 17. ad vana primum ac voluptuosa gaudia, largioremque vini vsum, incautus conuertitur c. II, 1. mox eruditionis studium voluptatibus iungit v. 3. mox alias ex operum pompa delectationes venatur, verum in his omnibus tantum aberat, vt aliquod miseræ vitæ condimentum leuamenque curarum inueniret, vt potius operum pariter ac vitæ ipsius tædio caperetur v. 17. 18. Vnde illud tandem consilium commendat, velut probatum ad-

uersus rugas ærumnasque remedium, vt fruamur bonis diuinitus concessis, pectusque inter communes vitæ casus quietum seruemus, contenti præsentibus, futurorum non nimis suspicaces augures, atque a DEI nutu & manu toti pendeamus. Id si cum vita luxuriosa, & ad omnem profligata libidinem, consistere posse putas, σιδηρόξυλον fingis, quo nullum vnquam portentosius fuit. Vides igitur, quod profanus ille sensus totius libri, harumque ipsarum adhortationum, scopum penitus euertat. Ea autem viro sapienti tribuere, quæ contra scopum ipsius aperte pugnant, quantum contra omnes regulas hermeneuticas delictum est!

§. VII. Atque id luculentius patebit, si integram *orationis seriem* & quæ cum antecedunt, tum sequuntur, in auxilium vocaueris. Quod enim de vocum Hebraicarum punctatione docte obseruat S. Rev. D. DANZIUS, * *quidquid literarum extra orationis nexus velut Proteus formas se vertit in omnes; id si intra contextus tenacia vincula teneatur, ab antecedentibus & consequentibus tam arcte premi, vt mox statam adsumat formam, suis convenientem vicinis*: idem quodammodo de sensu dictorum adfirmare licet. Finge enim lacera verba, & a reliquo orationis corpore seiuncta, posse alienum a pietate sensum obtinere; mox tamen aliam faciem ac statam quasi formam ex contextus sui vicinia induent.

§. VIII. Perlustremus igitur animo proposita dicta, quamque ex eis, quæ illa circumstant, lucem fœnerentur, breuiter videamus. Et ad primum quidem locum quod attinet c. II. descripserat Salomo v. 22. 23. viuis quasi spirantibusque coloribus prorsus stolidam eorum hominum

mise-

miseriam, qui laboribus peragendis dies noctesque defatigati, adeo tenuem percipiunt operum suorum fructum, ut post mordaces & insomnes curas, vitamque totam inter dolores transactam, ridenti tandem & otioso hæredi partas labore opes relinquant. Eorum igitur stultitiæ & in corpus suum iniuriæ v. 24. opponit placidum rerum acquisitarum vsum, tanquam dulce laborum sudorumque adlenimentum. Quæ in re quid luxui & otio dederit, non video. Eamdem oppositionem observare licet c. V. vbi illam ad esum, potumque admonitionem v. 17. & antecedunt v. 9. - 16 & toto capite sexto sequantur inuæcti- uæ in avaritiam, illam malorum radicem, orationes: quibus dum cibi commendationem immiscet, quid aliud dicit, quam illud Apostoli 1. Tim. VI, 8. *ἔχοντες διατροφὰς καὶ σκεπάσματα, ταῖς ταῖς ἀπαιτοῦμεθα. Si alimenta habuerimus ac vestimenta, hisce contenti ut simus par est.* Nihil hic profanum, nihil non consonans virtuti; neque dum avaritiæ obicem ponit, luxuriæ repagula idcirco reuellit.

§. IX. Ad cap. VIII. progrediamur, vbi rursus ex suo contextu aliam faciem accipit comma decimum quintum. Descripserat ibi ambiguam proborum ac improborum fortem, de impiorum felicitate v. 10. 12. piorumque aduersitatibus v. 14. vehementer conquestus. Quæ ipsa res quantum vexaverit fideles V. Test. legis promissionibus adsueto, Psalmus XXXVII. & LXXIII. & reciprocati inter Iobum amicosque sermones abunde testantur. Contra illas igitur querelas ac rugas commendat rursus suam illam amatam tantopere *mentis serenitatem*, vultque, ut veræ sapientiæ studiosus inter mala, quæ patitur, omnia, animum a tumultu curarum liberum, tranquillum, inque functionibus

nibus suis alacrem habeat, DEI fauore contentus, & de lætiore rerum catastrophe certus. Plane vt in hac caussa amicissime cum patre suo filius consentiat, qui pariter Psal. XXXVII, 4. post dissuasam de impiorum fortuna iram, *delectare*, inquit, *Domino, & dabit tibi, quaecumque animus tuus desiderauerit.* Denique quod ad postremum locum attinet c. IX, 7. rectissime de eius cohærentia SEBASTIANVS SCHMIDIVS: Dehortatus, inquit, inde a c. VIII, 16. a curiositate in rimandis diuinis iudiciis, nunc instruit lectorem suum, quomodo se hac, in caussa gerere debeat: quod nimirum, omisso curiosiore, illo iudiciorum DEI non reuelatorum scrutamine, contentus esse debeat iis, quæ DEVS in verbo suo reuelauit, & se suaque DEO committens, bono animo lætoque præsentibus pie & licite frui. En igitur rursus comestionem oppositam luctui, qui animum pium, paria iustorum ac sceleratorum fata meditantem, ad cibi potusque fastidium adigere possit. Atqui neque hic vlla se Epicuræismi vestigia produnt.

§. X. Consideremus porro expressam passim illius *gaudii indolem*, quod Auctor laudat. I. Non illud inter pocula nascitur, neque innatat vino, sed *a benigna Numinis manu* porrigitur, a qua absit, vt aliquid mali proficisci queat. c. II, 24. c. III, 13. c. V, 18. Neque II. in promiscuam mortalium multitudinem insigne illud donum coniicitur, verum *לְאָדָם שְׂמוֹחַ לַפָּנִים homini, qui DEO placet*, destinatur. c. II, 26. III. Perpetuam *inimicem* habet sinceram pietatem, mentemque re^{re} consciam, veritatis nutriticem: vnde arctissimo inter se *לְשׂוֹמְרֵי הַבְּרִית* coniuncta videas c. III, 12. *לְשׂוֹמְרֵי הַבְּרִית טוב ולעשות טוב latari ac facere bonum*; non alio certe sensu, quam illa phrasis Psal. XXXIV, 15. & XXXVII, 3. 27. & alibi adhibetur. IV. Non in otio delicato, sed *inter continuatos honesti officii labores* persentiscitur, c. II, 24. c. III, 13. 22. c. V, 17. 18. c. IX, 7. 10. Has tu mihi lætitiæ Salomonæ qualitates in ludicris & profanis hominum voluptuosorum gaudiis ostende, & eris mihi magnus Apollo.

§. XI.

§. XI. *Adiungerationes, quibus in illo gaudio suadendo, esuque ac potu commendando, Auctor utitur, & nouis telis profanus sensus confodietur.* I. *Bonum* vocat, laudatam a se lætitiā, & tale quidem bonum, quo, si a supremo illo bonorum apice, qui in DEI positus communione est, discefferis, nullum ad leuandas vitæ miseras præstantius inuenire licet, c. II, 24. c. III, 22. c. VIII, 15. bonum præterea, *quod pulchrum est*, c. V, 17. hoc est, vt MART. GEIERVS interpretatur, in quo debita reperitur humanæ sustentationis ac refectionis harmonia, absente omni vanæ solitudinis deformitate. II. Proponit tibi *miserandum eorum statum*, qui egregio illo lætæ *ἀνταρξίας* bono destituti, in tenebris & squalore sedent, atque pallidi, suspicaces, queruli, exsomnes, opibus aceruandis intenti, non audent iugi labore parta attingere, c. II, 23. c. IV, 5. 6. 8. c. V, 15. 16. c. VI, 2. 9. cet. III. Dum illam animi serenitatem tanquam *DEI donum* extollit, recti cultoribus paratum, c. III, 12. c. V, 18. summam insinuat felicitatem, ex isto gaudio percipiendam. Inter DEI nimirum clientes ac beneficiarios te relatum senties, qui publicis quasi illius sumtibus viuunt & aluntur. IV. Sux ad gaudium cohortationi certum fauoris diuini sensum fundamenti loco substernit c. IX, 7. argumentoque ex ipsis pietatis visceribus depromto, ideo te lætum esse, ac frui donis diuinis cupit, quod DEVS mores laboresque tuos clementer adprobatos, hilaritatis dono remunerare velit. conf. 1. Ioh. III, 21. Nunc age, quisquis es, & iisdem argumentis vsus vana vano homini gaudia, si potes, persuade. Enim vero comperies, inutilem tibi esse istarum rationum adparatum, teque **נום זהב כסף חזיר** *annulum aureum sui* Prov. XI, 22. adplicare.

§. XII. Denique vt omnis menti tuæ suspicio eximatur, quidquam profani istis ad esum potumque adhortamentis subesse, faxo, vt ex *Scripturæ parallelismo* cognoscas, alios viros sanctos simili phrasi eandem rem expressisse. Esaiam audiamus, qui c. LXV, 13. de *seruis DEI* prædicit, quod, impiis fame contabescen-
tibus, illi læto animo *comesturi sint ac bibituri*. Succedat Nehemias, qui ad Hebræos, ex legis prælectione perculsos ac tristes, *Agite inquit, comedite pingua & dulcia bibite - neque dolore adficiamini: gaudium enim Iehoua est robur vestrum*, c. VIII, 10. Hunc Paulus excipiat, qui 1. Cor. X, 31. eo modo Corinthios *edere ac bibere* iubet,

ut omnia ad DEI gloriam faciant, quique 1. Tim. VI, 6. pietatem cum *ἀνταγνεία* sororio vinculo connectit: ut de illo toties repetito: *πάντοτε χαίρετε, semper gaudete!* Phil. III, 1. c. IV, 4. 1. Thes. V, 16. nihil dicamus. Denique nec ipsum, qui primo loco nominandus erat, magistrum puduit, suis discipulis *edendi ac bibendi praecepta* dare Luc. X, 7. *Exempla* insuper desideras? neque illa defunt. *Iosiam* recordare, a DEO ipso laudatum, quod *ederit ac biberit*, iustitiamque administrarit. Ier. XXII, 15. Si ille non sufficit, perfectissimum respice virtutis exemplar, SERVATOREM mundi, qui de se ipso, Venit, inquit, filius hominis *ἐσθίων καὶ πίνων*, Matth. XI, 19. Adde N. Testamenti primos fideles, ab omni luxu remotissimos, qui *cibum cepisse cum letitia* animiq; simplicitate dicuntur Act. II, 46. En genuinos monitorum Salomonis observatores!

§. XIII. Atque hæc, opinor, satisficient animo veritatis amanti, nec præconceptis opinionibus excæcato. Qui secus de Salomone eiusque exhortationibus sentiunt; quo id iure agant, ipsi viderint. Nos nihil addimus, præter eximia verba HERMANNI WITSH, * ad nostra verba adplicata: *Nihil his monitis nisi virtus docetur, non fucata illa, austera, tetrica; quæ ex sordibus & illuic, & ἀφειδία τῷ σώματι (Col. II, 23.) laudem captat: sed ingenua, liberalis, hilaris; quæ, deprehensa rerum ceterarum inanitate, felicitatem suam quarit & inuenit in conscientia tranquilla & lata, atque usu bonorum, ex favore diuino profluentium, ita tamen ut memor fluxæ huius ac lubricæ vitæ & imminentis iudicii, omnia cum reuerentia Numinis peragat.*

COROLLARIA.

I. **P**ulueris comestio, quæ Gen. III, 14 diabolo seductori pænæ loco imponitur, grauissimam inuoluit hostis illius coercionem, cum extrema ignominia coniunctam.

II. *Carnis esum* ante diluuium licitum fuisse putamus.

III. Quum *butyrum & mel comesturus* Messias dicitur Esa. VII, 15. significatur, eum educandum esse in terra *fertili & pascuis floribusque abundante*, atque communibus cibis, instar prophetarum 1. Reg. XIV, 3, Matth. III, 4. aliorumque hominum Sir. XXXIX, 31. esse usurum.

IIII. Phrasi *de torrente bibere in sia* Psal. CX, 7. diuinum illud solatium atque auxilium exprimitur, quo inter afflictiones Messias confirmatus, triumphum de hostibus reportaturus sit.

* In Miscellan. sacris Tom II Exerc. VI. pag. 165.